

Oila va jamiyat

@oilavajamiatgazetasi_bot

2021 йил мамлакатимизда “Ёшларни қўллаб-қувватлаш ва аҳоли саломатлигини мустаҳкамлаш йили”

ДЕБ ЭЪЛОН ҚИЛИНДИ

Бир сўз билан айтганда, бола туғилганидан бошлаб, 30 ёшгача бўлган даврда уни ҳар томонлама қўллаб-қувватлайдиган, ҳаётда муносиб ўрин топиши учун кўмак берадиган яхлит ва узлуксиз тизим яратилади.

Дунё тажрибаси шуни кўрсатадики, ёш авлодни ҳар томонлама баркамол этиб вояга етказиш учун сарфланган сармоя жамиятга ўн, юз баробар кўп фойда келтиради.

Буюк бобокалонимиз Абу Али ибн Сино бундан минг йил ол-

дин, “Довюррак ва ботир инсонлар келажакда содир бўладиган қийинчиликлардан қўрқмайди”, деб бежиз айтмаган.

Яқинда Қашқадарё, Хоразм вилоятларида ва Чилонзор туманида бўлиб ўтган учрашувларда ёшларимиз томонидан билдирилган дадил фикр ва ташаббуслар мени жуда қувонтирди. Айниқса, куни кеча Ёшлар форумида ўғил-қизларимизнинг ёниб турган

кўзларида улкан азму шижоатни, билимга ташналик ва янгиликка интилишни кўриб, янада руҳландим ва улардан куч олдим.

Ибн Сино бобомиз айтган до-вюррак ва ботир ёшлар айнан шу фарзандларим эканига яна бир бор амин бўлдим.

Агар катта авлоднинг билими ва тажрибасини, узоқни кўра олиш фазилатларини ёшларимиздаги ғайрат-шижоат, мардлик ва фи-

дойилик билан бирлаштира олсак, кўзлаган марраларга албатта етамиз. Янги Ўзбекистонни ана шундай билимли ва бунёдкор ёшларимиз билан биргаликда барпо етамиз.

Ана шу муҳим йўналишларда бошлаган ишларимизни давом эттириш ва янги, юксак босқичга кўтариш мақсадида, кириб келган 2021 йилга мамлакатимизда “Ёшларни қўллаб-қувватлаш ва аҳоли саломатлигини мустаҳкамлаш йили”, деб ном беришни таклиф етаман.

(Давоми 2-бетда)

Вақрат харидини қилдингизми?

ЯНГИ ЙИЛИНГИЗ ҚУТЛУҒ БЎЛСИН!



ISLOHOTLAR SAMARASI


Шавкат Мирзиёев:

«Бугун мен айтиб ўтган оилавий ажримлар, маънавият, маърифат, интернет бўйича муаммолар кўп. Ўзбекистон энди очилди, орқага йўлимиз йўқ.

Яна бир марта таъкидламоқчиман, оммавий ахборот воситалари тўртинчи ҳокимият бўлиш нуқтаи назаридан кимгадир ёқмайди.

Аммо охириги бир йил ичида журналистлар, блогерлар ва ёшларнинг ижтимоий тармоқларда чиққан овозлари бизнинг ислохотларимиз ва қарорларимизга катта кўмак беряпти, бу ҳақиқат.

Ёқадими, ёқмайди, уларни эшитишга мажбуримиз. Тўғриси эшитиб, хулоса чиқарамиз, нотўғриси тўғри йўлга солиш — бурчимиз, вазифамиз».



ҚАТАҒОН ҚУРБОНЛАРИ ХОТИРАСИ АВАДИЛАСHTIRILADI

Маҳалла ва оилани қўллаб-қувватлаш вазирлигида Қатағон қурбонларининг меросини янада чуқур ўрганиш, улар хотирасини абадийлаштириш ишларини ташкил этиш ва мувофиқлаштириш бўйича Республика ишчи гуруҳининг йиғилиши бўлиб ўтди.



Йиғилишда Ўзбекистон Республикаси Президентининг 2020 йил 8 октябрдаги «Қатағон қурбонларининг меросини янада чуқур ўрганиш ва улар хотирасини абадийлаштиришга доир қўшимча чора-тадбирлар тўғрисида»ги

фармойиши ижросини таъминлаш масалалари кўриб чиқилди.

Тадбирда ташкилий-амалий тадбирларнинг ижроси, жойлардаги ишчи гуруҳлар фаолиятини мувофиқлаштириш, қатағон қурбонлари ҳаёти ва фаолиятини ўрганиш бўйича илмий тадқиқот ишлари, уларнинг кўрсатган жасорати ва ибратли фаолиятини тарғиб этиш каби йўналишлар бўйича масъулларнинг ҳисоботлари муҳокама этилди.

Шунингдек, ҳудудлардаги илмий-ишчи гуруҳлар раҳбарларининг ахборотлари эшитилди.

Кўп жыллик «Қатағон қурбонлари» хотира китобларини тайёрлаш, қатағон қурбонлари ҳақида роман, қисса, драма, киносценарий, монография ва рисола-ларни, шунингдек, тарихий факт ва ҳужжатлар асосида махсус тўплам яратиш, олий ўқув юртлиридаги қатағон қурбонлари хотираси музейларини намунавий ҳолатга келтириш бўйича вазифалар белгиланди.

YANGI YILDA YANGI BINO

Пойтахтимизнинг Миробод туманидаги «Миробод» маҳалла фуқаролар йиғинининг янги биноси фойдаланишга топширилди.

Бинонинг очилишига бағишлаб ўтказилган тадбирда Маҳалла ва оилани қўллаб-қувватлаш вазирининг ўринбосари Ботир Парпиев иштирок этиб, сўнгги йилларда мамлакатимизда Президентимиз раҳнамолигида маҳалла институтининг жамиятдаги нуфузини ошириш, фуқароларнинг ўзини ўзи бошқариш органлари фаолиятини янада такомиллаштириш, унинг вазифа ва ваколатлари доирасини янада кенгайтириш, бир сўз билан айтганда, маҳаллани халқнинг чинакам суянчи ва маслакдошига айлантиришга алоҳида эътибор қаратилаётганини қайд этди.

Таъкидланганидек, Ўзбекистон Республикаси Президентининг 2020 йил 18 февралдаги «Ўзбекистон Республикаси Маҳалла ва оилани қўллаб-қувватлаш вазирлиги фаолиятини ташкил этиш тўғрисида»ги Қарорига асосан, мамлакатимизнинг бир қатор ҳудудларида давлат-хусусий шериклик асосида фуқаролар йиғинларининг намунавий биноларини қуриш белгиланган.

Мазкур қарор ижросини таъмин-



лаш мақсадида бугунги кунда юртимиз бўйлаб янги маҳалла биноларини қуриш, мавжудларини қайта таъмирлаш, соҳанинг моддий-техник базасини мустаҳкамлаш ҳамда маҳалла ходимларига зарур шарт-шароитлар яратиш борасида бир қатор ишлар амалга оширилмоқда.

Жумладан, бугунгача Миробод туманида жойлашган «Салар», «Афросиёб», «Мовароуннаҳр», «Биродарлик», «Ойбек», «Билимдон», «Банокатий», «Қорасув» ва «Сарикўл» маҳалла фуқаролар йиғинлари ўз биноларига эга бўлди. «Миробод» маҳалласи янги биносининг фойдаланишга топширилиши эса ана шу эзгу ишларнинг давомидир.

Айтиш лозимки, янги бинода соҳа ходимлари ва маҳалла аҳли учун барча шарт-шароитлар яратилган. Айниқса фуқароларни қабул қилиш, уларга қисқа муддатда сифатли хизмат кўрсатиш, туман ташкилотлари билан боғланиш ва кутиш хоналари аҳоли мурожаатлари билан ишлашда маҳалла ходимларига бир қатор қулайликлар яратилди. Шу билан бирга, кутубхона, кексаларнинг ҳордиқ чиқаришлари, нуронийларга пенсия тарқатиш ҳамда коммунал тўловларни тўлаш учун ҳам алоҳида хоналар ажратилган.



BOLALARGA BAYRAM SOVG'ALARI ULASHILDI

Пойтахтимизнинг Юнусобод туманидаги 87-сонли имконияти чекланган болалар учун махсус ихтисослаштирилган ёрдамчи мактабда Маҳалла ва оилани қўллаб-қувватлаш вазирлиги томонидан маънавий-маърифий тадбир бўлиб ўтди.

Маълумки, кейинги йилларда мамлакатимизда ногиронлиги бўлган болаларнинг сифатли таълим олишини йўлга қўйиш, ихтисослаштирилган ёрдамчи таълим муассасаларининг моддий-техник базасини мустаҳкамлаш, таълим-тарбия жараёнида уларнинг руҳий функциялари ва саломатлигини тизимли равишда кузатилишини ташкил этиш мақсадида илғор педагогик услублар амалиётга татбиқ этилмоқда. Натижада бу каби ёрдамчи таълим муассасаларида таълим-тарбия сифати, педагог-тарбиячиларнинг касбий маҳорати тобора ортиб бормоқда.

Қолаверса, мамлакатимизда «Меҳрмурувват ойлиги» доирасида амалга оширилаётган лойиҳалар, ўтказилаётган маънавий-маърифий тадбирлар ногирон-

лиги бўлган болаларни ҳар томонлама қўллаб-қувватлаш, улар ҳолидан хабар олиш каби эзгу саъй-ҳаракатларни янада жадаллаштиришга хизмат қилмоқда.

– Бугун мамлакатимизда ногиронлиги бўлган болалар учун тўсиқлардан ҳоли ва инклюзив муҳитни яратиш орқали уларнинг тўлиқ ва сифатли таълим олишини таъминлаш борасида қатор ишлар амалга оширилмоқда, – дейди Маҳалла ва оилани қўллаб-қувватлаш вазирлиги бошқарма бошлиғи Турғун Қирғизбоев. – Хусусан, янги қабул қилинган «Ногиронлиги бўлган шахсларнинг ҳуқуқлари тўғрисида»ги Ўзбекистон Республикаси Қонунида ҳам давлат томонидан ногиронлиги бўлган болаларнинг бепул умумий ўрта, мактабдан ташқари, ўрта махсус ва профессионал таълим олиши кафолатланган. Албатта бундан кейин ҳам мамлакатимизда ногиронлиги бўлган болаларни жамиятимизнинг барча жабҳаларига қўшиш, улар ҳамма билан тенг бўлиши ва ўз ўринларини топиши учун шарт-шароитлар яратиш ишлари давом эттирилади.

Тадбир сўнггида таълим муассасаси ўқувчиларига вазирлик томонидан янги йил байрами совғалари улашилди.

ODAM SAVDOSIGA QARSHI KURASHISH

Маҳалла ва оилани қўллаб-қувватлаш вазирлиги масъул ходимлари томонидан Андижон вилоятида одам савдосига қарши курашиш ва чет элда узоқ вақт бўлиб қайтган фуқаролар билан ишлаш бўйича олиб борилаётган ишлар атрофлича ўрганилди.

Жумладан, вилоят Маҳалла ва оилани қўллаб-қувватлаш бошқармаси, Балиқчи, Бўстон ва Шаҳрихон тумани бўлимлари ходимлари ўртасида ўтказилган учрашувларда ушбу йўналишдаги ишлар самарадорлигини янада ошириш юзасидан ўзаро фикр алмашилди.

Шунингдек, фуқароларнинг оилавий даромадларини янада ошириш орқали келгусида уларни чет давлатга ишлаш учун кетишини олдини олиш мақсадида вилоятдаги маҳалла фуқаролар йиғинларида касб-хунарга ўқитиш марказларини ташкил этиш ва қўшимча иш ўринлари яратиш юзасидан амалга оширилаётган ишлар билан яқиндан танишилди.

Хусусан, Шаҳрихон тумани «Қум» маҳалласида жойлашган «Шаҳрихон касб-хунарга ўқитиш маркази»да тикувчилик, қандолатчилик, чорвачилик, асаларичилик, сартарошлик, электромонтажчи каби бир қанча мутахассисликлар бўйича ўқишлар ташкил этилиб, ҳозирда бу ерда Россия Федерацияси Москва шаҳридаги «МК Ресурс» корхонаси билан тузилган ўзаро битимга биноан туман маҳаллаларида «Темир дафтар»га киритилган 291 нафар фуқаро касбга ўқитилмоқда.

Шунингдек, Балиқчи тумани «Катта булоқ» маҳалласи 63-уйда яшовчи фуқаро А.Абдуразақов хонадонидан тикувчилик цехи ташкил этилиб, маҳалладаги 10 нафар хотин-қиз бандлиги таъминланди.

Саҳифани Бектош ИСМОИЛОВ тайёрлади.

YOZUVCHILAR ENDI MAKTABLARDA

Адабиёт яшаса, миллат яшайди

(Чўлпон)

Инсон ҳаётда ўзини бахтли ҳис этиши учун, албатта, атрофида меҳрибон, сеvimли инсонлар бўлишидан ташқари, ўз қизиқиши билан амалга оширадиган касб-ҳунарга ҳам эга бўлиши зарур. Баъзи ёшлар кўп йиллар орзу қилиб юрган мутахассислик учун олий таълим муассасасига ҳужжат топшириш дамлари яқинлашганда, мен келажакда шу соҳанинг мутахассиси бўла оламанми, бунга менинг билимим ва иқтидорим етадими? – деб ўйланиб қоладилар.

Асосийси, ёшлар тўғри йўлни танлаш ҳаётлари олдида жуда катта масъулиятли вазифа эканлигини яхши билишлари ва фақатгина қизиқишлари юқори бўлган касб сирларини эгаллашга интилишлари зарур. Касблар бисёр. Уларнинг ўз йўналиши бўйича турлари кўп. Мактабда ўқиб юрган кезларимда тил ва адабиёт фани ўқитувчимиз Иззатулла Ғазнаев “Ёш қаламкашлар” тўғарагини ташкил этганди. Кичкина синфхона адабиётга ихлосманд ўқувчилар билан тўлиб кетарди. Қиш фаслида кунлар қисқа бўлганлиги боис дарсдан сўнг тўгаракка қолиб, уйга қоронғуда кириб борардик. Ҳатто бир кун онам “шунчалик ҳам кеч келасанми, энди мактабга бораман деб тургандим, дугоналаринг аллақачон уйга келиб қўйди. Хавотирдан нима бўлсам бўлаёздим”, – дея койиб бергандилар. Ўша кун ўқитувчимиз ҳам кеч бўлиб кетганлигини пайқамабдилар. Устозимиз Иззатулла Ғазнаев биз каби қишлоқ болаларидаги “ноёб” қобилиятларни илғаб, иқтидоримизни қўллаб-қувватлаганлар, ижод намуналаримизни тинглаб, хато ва камчиликларимизни



“оғритмасдан” тушунтириб тўғри йўл кўрсатардилар. Синфдошларимизнинг шеър, мақола, қатралари тез-тез газета, журналларда чоп этилар, бу “воқеа” бутун мактабимизда байрамга айланиб кетар эди. Ҳаттоки китобларини нашр этишда ҳам жонбозлик кўрсатганлари ёдимда. Ўша пайтларда устозимиз ҳали йиллар ўтиб, қишлоғимиздан катта кутубхона ташкил этиб, таниқли журналист, профессор, етук адабиётшунослар бўлиб қишлоқ болаларига сабоқ беришларингизга ишонман дегандилар. Ҳозир эсласам, “Ёш қаламкаш” тўғарагида иштирок этган тенгдошларимнинг барчаси нуфузли олий ўқув юртларини тамомлаб республика, вилоят газета, журналлари, МТРКларда фаолият олиб боришмоқда.

Ёдингизда бўлса, 2020 йилнинг 30 октябрь кун Президентимиз Шавкат Мирзиёев раислигида мамлакатимизда таълим-тарбия тизимини тако-

“**Устозимиз Иззатулла Ғазнаев биз каби қишлоқ болаларидаги “ноёб” қобилиятларни илғаб, иқтидоримизни қўллаб-қувватлаганлар, ижод намуналаримизни тинглаб, хато ва камчиликларимизни “оғритмасдан” тушунтириб тўғри йўл кўрсатардилар**

миллаштириш, илм-фан соҳаси ривожини жадаллаштириш масалалари муҳокамаси бўйича видеоселектор йиғилиши бўлиб ўтди. Давлатимиз раҳбари таъкид этганларидек: “Биз бугун мактабларимизда фарзандларимизга таълим ва тарбия бериш билан бир қаторда уларга маърифат ва маънавиятни ҳам чуқур ўргатмоғимиз зарур. Бу борада жойларда яшаб ижод қилаётган ҳурматли шоир ва ёзувчиларимизни кенг жалб қилишимиз, уларнинг ижод ва истеъдодларидан унумли фойдаланишимиз лозим”, деган эдилар. Қувонарлиси шундаки, ҳар бир мактабда биттадан штат очилиши, уларга ижодкор

ёзувчилар ишга олиниши ва маош тўланиши таъкидланганлиги ижодкорлар ва ўқувчи ёшлар ўртасидаги ижодий кўприкнинг кўп йиллик алоқалари бошланаётганидан далолат.

Берилган ваъда ҳужжатлаштирилди.

2020 йилнинг 6 ноябрь кун Юртбошимизнинг “Ўзбекистоннинг янги тараққиёт даврида таълим-тарбия ва илм-фан соҳаларини ривожлантириш чора-тадбирлари тўғрисида”ги қарори имзоланди. Фармонга мувофиқ 2021 йил 1 январдан эътиборан умумтаълим муассасасида ижодий-маданий масалалар бўйича тарғиботчи лавозими жорий этилиши кўзда тутилган. Барчани қизиқтирган савол туғилиши табиий, албатта. Мактабларга жалб қилинган ижодкорларнинг вазифалари нималардан иборат бўлади? Ижодий-маданий масалалар бўйича тарғиботчилар ёш авлодни комил шахс, маънан баркамол этиб тарбиялаш, мактаб ўқитувчилари ва фаол ўқувчиларнинг ижодий ишларини кенг жамоатчиликка етказишга кўмаклашиш, адабий-бадиий кечалар, китобхонлик ва шеърхонлик мусобақаларини ташкил этиш, иқтидори айрича, қалами бор ўқитувчи ҳамда ўқувчиларни бу йўлга жалб этиш, ижод намуналарини газета, журналларда, ўқув масканларининг электрон сайтларида, мактаб ҳаётидан қизиқарли мақолалар чиқариб бориш орқали уларнинг тафаккурини янада бойитиш, маънавий камолоти йўлида атрофдагиларга андоза бўлишдан иборатдир.

Инсон қайси касб ёки соҳанинг этагидан тутмасин аввало, йўлнинг манзилни аниқ белгилаб олмоғи, мақсадга мувофиқ ҳаракатда бўлиб бор имкониятларини сафарбар этмоғи ҳар қачонгиданда муҳим жиҳат. Айтиш керакки, бундай рағбат ва имконият ижод олами аҳли вакилларини янада изланиш ва илҳом сари ундаши шубҳасиз. Фармон доирасида билимлар ошёнига ёзувчи-шоирлар, профессор – ўқитувчилар билан биргаликда китоблар кириб боради. Маънавият, маърифат, янги нур, зиё кириб боради. Ижодий-маданий масалалар бўйича тарғиботчилар Ўзбекистон келажagini ўқитишга, тарбиялашга ҳисса қўшади. Бундай тарғибот ва ташвиқот ишлари эртага ўз натижасини беришга, таълим тизимининг букилган қаддини кўтаришига ишонамиз.

Дилафрўз ҚҶШОҚОВА,
ЎзЖОКУ талабаси.

ODAMLAR AVAYLANG, BIR-BIRINGIZNI

Ўзбекистон халқ шоири Жуманиёз Жабборов таваллудининг 90 йиллиги муносабати билан Республика Маънавият ва маърифат маркази ташаббуси билан Алишер Навоий номидаги Тошкент давлат ўзбек тили ва адабиёти университети ҳамда Ўзбекистон давлат консерваторияси билан ҳамкорликда маънавий-маърифий тадбир бўлиб ўтди.



бой меросига айланганини, ватанга муҳаббат, ғурур ва ифтихор туйғуларини уйғота олишлигини таъкидлади.

Ўзбекистон Республикасида хизмат кўрсатган санъат арбоби, Ўзбекистон давлат консерваторияси профессори, Ўзбекистон Республикаси композитор ва бастакорлари уюшмаси аъзоси

Дилором Омонуллаева, Ўзбекистон давлат консерваторияси ўқув ишлари бўйича проректори, Ўзбекистон Республикаси композитор ва бастакорлари уюшмаси аъзоси Аваз Мансуров шоир Жуманиёз Жабборов билан бўлган ижодий ҳамкорликларини хотирлашди. Улар хотираларида шоирнинг сўзга ўта масъуллиги, ижодий фаоллиги, меҳнаткашлиги. хушмуомала, юксак маданият эгаси эканлигини эътироф этишди. Ўзбекистон Ёзувчилар уюшмаси аъзоси, журналист Ҳаким Сатторий Жуманиёз Жабборовнинг ёш ижодкорларга бўлган эътибори, ғамхўрлиги ҳақида гапирди.


Шунингдек, шоирнинг Байрон, Лермонтов, Р.Тагор каби жаҳон адабиёти намояндаларининг ижодидан қилган таржималари ўзбек адабиёти хазинасига муносиб ҳисса қўшганини эътироф этдилар. Жуманиёз Жабборов моҳир ва сермаҳсул таржимон сифатида Абулқосим Фирдавсийнинг “Шоҳнома” асарини ўз она тилида сўзлатган. У моҳир шоир, ҳикоянавис, очеркнависгина эмас, таниқли драматург сифатида ҳам баракали ижод қилиб келди. Айниқса у яратган

«Ўжарлар» (1971), «Йиллар ўтиб» (1975), «Тўйдан олдин томоша» (1979), «Менинг оппоқ кабутарим» каби драмалари Тошкентда, қатор вилоят театрларида, Қозоғистон, Қирғизистон, Тожикистон республикалари сахналарида кўйилиб келди.

Тадбир давомида талабалар шоир ижодига шеърлардан ёд ўқидилар. Адиб шеърларига бастанланган куй-қўшиқларни Ўзбекистон давлат консерваторияси ўқитувчи ва талабалари ижро этиб, йиғилганларга хуш кайфият бағишлади. Инсон азиз, хотира муқаддасдир. Тадбирга ташриф буюрган шоирнинг фарзандлари оталари оилада тарбия бобида талабчан, фарзандларга нисбатан ғамхўр ота бўлганлигини, барчани меҳр-оқибатли бўлишга қаҳирганини ёд этишди. Шоир ўз шеърда одамлар авайланг, бир-бирингизни! – деб хитоб этганди. Дарҳақиқат, ушбу сўзлар бугунги она сайёрамизни шioriга айланса арзигудек сўзлардир.

Ҷилола ИБРОҶИМОВА,
Республика Маънавият ва маърифат маркази мутахассиси.

Yangi yilni kim qanday kutib oladi?



**Я н г и
й и л н и б у -
т у н д у н ё х а л қ л а р и
ў з г а ч а ш у к у х б и л а н
қ а р ш и л а й д и . У ш б у б а й -
р а м н и н г э ь т и б о р л и ж и х а т и
ш у н д а к и , у ҳ а р б и р м а м л а -
к а т д а т у р л и ч а н и ш о н л а -
н а д и в а а с р л а р д а в о м и д а
я ш а б к е л а ё т г а н у р ф -
о д а т в а у д у м л а р г а
б о й д и р .**

Масалан, шу куни Колумбия кўчаларида эски йилнинг рамзи сифатида узун ёғоч оёқли қўғирчоқ-одамларни учратиш мумкин. Шотландлар «Хонадон ўчоғидаги олов ҳеч қачон ўчмасин, дастурхони эса тўкин бўлсин» деган ниятда мезбонниқига кўмир бўлагини олиб боришади.

Англияда 1752 йилда янги йил расмий байрам мақомини олган. 1843 йилда эса ушбу сана муносабати билан ёру дўстларга табрик хати юбориш анъанаси пайдо бўлган. Шу куни Лондон кўчаларида катта сайил уюштирилиб, Беркли майдонида келган ҳар бир киши карнавал иштирокчисига айланиши мумкин.

Инглизлар янги йилдаги биринчи меҳмон хонадон аъзоларига албатта омад келтиришига ишонишади, шу боис кўпинча ёш, келишган ва соғлом йигитни кутишади. Малла, сариқ сочли эркаклар, шунингдек, аёллар иложи борича уйга қўйилмайди. Мамлакатнинг баъзи жойларида сочининг рангига эътибор қилинмайди. Одамлар меҳмондорчиликка нон, пирог, туз ва бир бўлак кўмир олиб боришади. Чунки нон ва пирог мўл-кўллик, кўмир иссиқлик, туз эса бойлик рамзи ҳисобланади.



Лондондаги машҳур «Big Ben» соати 24 га бонг урганда мушакбозлик бошланади ва ҳамма байрам мадҳиясини куйлайди. Қадимий таомилга кўра шу онларда эски йилни кузатиш ва Янги йилни кутиб олиш учун уй эшикларини очиб қўйилади.

Италияда янги йил Capodanno деб номланади. Асосий тантаналар 6 январь куни Римдаги Пьяца дель Пополо майдонида бўлиб ўтади. Ҳақиқий италияликлар Янги йилгача қарзларидан қутулишлари, синиқ идиш, эски кийим ва мебелларни деразадан кўчага



улоқтиришлари керак. Вақт ўтган сари аҳолининг катта қисми бу одатдан воз кечаётган бўлса-да, байрам арафасида Рим кўчаларида сайр қилиш барибир хавфли. Шунга ўхшаш одат Непалда ҳам бор, ушбу мамлакатда ой тўлишган тунда катта гулхан ёқилади ва унга кераксиз буюмлар ташланади.

Одатда италияликлар Янги йил арафасида қизил рангли кийим ва жиҳозларни харид қилишади. Шу боис дўконларнинг пештахталари қирмизи рангдаги буюмлар билан тўлдирилади. Байрам дастурхонида албатта ёнғоқ, узум ва ясмик донидан тайёрланган таом бўлиши шарт. Чунки Италияда ёнғоқ – узоқ умр, узум – тинчлик-хотиржамлик, ясмик дони – соғлиқ рамзи саналади. Мамлакатнинг айрим ҳудудларида янги йил кириб келишидан олдин бойбадавлат бўлиш ниятида 12 донга узум



истеъмол қилинади. Шунингдек, салбий оқибатлардан қутулиш учун идиш-товоқлар синдирилади. Фарзанд кўриш орзусидаги эр-хотинлар биргалликда анор ейишади, турмушлари фаровон бўлишини хоҳлаганлар эса 1 январь куни чўнтақларини тўлдириб кўчага чиқишади.

Италияда Қорбобони Баббо Натале деб аташади ва у америкаликларнинг Санта Клаусига жудаям ўхшайди. Бироқ байрам совғаларини болаларга у эмас, балки олийжаноб Фея Бефана улашади. Афсоналарга кўра у ярим тунда учиб келиб, йил бўйи ўзининг яхши хулқи ва одоби билан бошқаларга ўрнак бўлганларга турли ширинликлар, тўполончиларга эса кўмир бўлагини қолдириб кетади.

Янги йилнинг эртасига кўчада кекса ёки букри одамни учратиш, бундан ташқари, эрта тонгда, яъни қуёш чиққунга қадар уйга булоқдан сув олиб келиш хайридир.

Ҳиндистонда янги йил сифатида нишонланадиган нақ саккизта сана бор. Масалан, ҳиндларнинг Гуди Падва кунида ним-нима дарахтининг жуда аччиқ ва ёқимсиз баргларида татиб кўриш керак. Уларнинг иримига кўра, бу инсонни турли дард ва балолардан асрайди, ва ҳайратланарлиси – ширин ҳаёт кечиршига замин яратади.



Ҳаммамизга машҳур ҳазил куни – 1 апрелда Одесса (Украина)да янги йил нишонланади. Уларнинг фикрича, 1 апрель – янги кулгу йилининг бошланишидир, ана шунақа.

Апрель ойининг 13-санасида Янги йил Шри-Ланка ва Непалга етиб келади ва байрам табиат энг чиройли тус олган вақтда нишонланади.

Жазирамадан силласи қуриган Лаосга янги йил байрами 14 апрелда – аҳоли ёмғир мавсумини кутаётган паллада ташриф буюради.

Бирмада эса аксинча, тропик ёғинлардан сўнг – апрель ойининг 12-17-саналари оралиғида янги йил нишонланади. Байрамнинг аниқ санасини ҳар йили маданият вазирлиги томонидан белгиланиб, янги йил байрами уч кун нишонланади.

1940 йилда Таиланд ҳукумати янги



йил байрамини 1 январда нишонлаш ҳақида қарор чиқарган бўлса-да, Таиланднинг бош байрами – апрель ойининг иккинчи ўн кунлигида нишонланади.

Ана энди янги йил энг иссиқ фасл бўлмиш - ёз ойига ташриф буюради. Мевалар фарқ пишган паллада Майя қабилалари 16 июль куни байрамни кутиб оладилар. Жибути ва Нигерияга эса бу байрам август ойида етиб келади.

1 сентябр – йўқ бу Суриянинг мустақиллик байрами эмас, ўқув йили ҳам эмас, шунчаки олтин куз фаслида мамлакатга янги йил кириб келади. Бу байрам куз ойларида яхудийларнинг оиласида ҳам нишонланади.

10 кунлик фарқ билан айнан 11 сентябр куни нишонланувчи янги йил - Эфиопия (Ҳабашистон)да ёмғир мавсуми якунланганидан дарак беради.

Мана октябр ойига ҳам етиб келдик. Ҳўш бу ойнинг 7 санасида Гамбия байрам дастурхонини безайди. Улар қаторида Индонезияда ҳам байрам нафаси юрт кезади. Бу давлатларда байрам инсонларнинг янги кийим кийишлари ва ўтган йилдаги дилхираликлар учун бир-бирларидан кечирим сўрашлари билан бошланади. Ҳа аввалом бор кечирим сўрайдиган ишни қилиш керак эмас, қўлингдан келса яхшилик қил, келмаса ёмонликка қўл урма дейишади-ку, бизнинг бобо ва момоларимиз.

Ҳўш, азизлар - 18 ноябрда янги йил Яман чегарасини кесиб ўтади. Ноябрь ойи ўрталарида Океаниядаги оролларда ва Гавай оролларида ҳам янги йил байрам қилинади.

31 октябрдан 1 ноябрга ўтар кечаси ҳозир, айниқса ёшларимиз ўртасида «Хеллоин» номи билан машҳур. Бироқ бу айнан шу тунда кельт тилларига мансуб халқлар яшовчи давлатлар (Шотландия, Ирландия, Мэн ороли) да кельт янги йили – «Сайману» нишонланади.

Янги йилни Австралияликлар одат-



дагидек 1 январь куни нишонлайди. Амма қизиқ томони бу пайтда уларда ёз фасли бўлади ва ҳаво шунақанги иссиқ бўлганидан Қорбобо ва Қорқиз совғаларни чўмилиш кийимида тарқатишади.

Эскимосларда эса янги йил энг оригинал кунда қарши олинади. Яъни уларда қачон биринчи қор ёғса, ўша кун – янги йил!

Қадимий Мисрда эса янги йил ёз фаслида, Нил дарёси тошган вақтда нишонланган. Олимпиада ўйинлари ватани ҳисобланмиш Қадимги Юнистонда янги йил 22 июнь кунда нишонланган экан. Бу санани улар йилнинг энг узун куни бўлганлиги учун янги йил сифатида қабул қилишган.



Венгрияда янги йил куни пулга ювинишар экан. Уларнинг фикрича, шундай қилишса уларга йил бўйи муҳтожлик яқин йўламас эмиш. Хитойда янги йил базми мушакбозликсиз ўтмайди. Янги йил кечасида турли шил шаклдаги мушаклар Хитой осмонини безайди. Хитойда яна бир ажойиб одат



бор – янги йилнинг биринчи кунда сўкиниш ва ўзаро жанжаллашиш қатъий таъқиқланган. Янги йил кирган куни Японияда 108 марта кўнғироқ чалинади. Кун чиқар юрт вакиллари ишонишадики, ҳар бир кўнғироқ чалинганда улардаги салбий ҳислатлар биттадан камаяди. Хусусан, очкўзлик, бахиллик, ёвузлик, калтабинлик, ялқовлик шулар жумласидандир. Шунингдек, Японлар янги йил куни эшикларини учта дарахт барглари билан безайдилар. Бунини ўзига хос маъноси бор. Яъни қарағай – узоқ умр рамзи, бамбук – садоқат рамзи, олхўри – ҳаётни севиш рамзи.

Янги йилнинг қайси бирини қачон ва қандай нишонлашингиз ўзингизга ҳавола. Асосийси – бу кун унутилмас ва ҳақиқий байрам бўлсин!

**Интернет материаллари асосида
Нигора тайёрлади.**



«Туронбанк» АТБ жамоаси
жонажон халқимизни кириб келаётган

янми 2021 йил

билан самимий муборакбод этади.

Юртимиз равнақи ва фаровонлиги йўлида амалга ошираётган

барча эзгу ишларингизга улкан зафарлар тилайди.

Азиз юртдошлар, тинчлик-хотиржамлик ва саодатли

кунларимиз бардавом бўлсин!

Барча турдаги валюталарни тез ва қулай айирбошланг!



1220
99895 144-60-00

www.turonbank.uz



Хизматлар лицензияланган

oilavajamiat@mail.ru

2021

**“O‘ZQURILISH
MATERIALLARI”**

акциядорлик жамияти жамоаси

Яқинлашиб келаётган янги йил барчангизга муборак бўлсин! Оилаларимизда тинчлик хотиржамлик, дастурхонларимиздан файз барака ариماسин. Рақобатбардош маҳсулот ишлаб чиқариш ва янги иш ўринлари яратишда тадбиркорларимизга янада куч-қувват тилаймиз. Доим юзингиздан кулгу, лабингиздан табассум аримасин. Юртимиз тинч, хонадонларимиз обод бўлсин!

ЯНГИ ЙИЛИНГИЗ ҚУТЛУФ БЎЛСИН!

BARCHASI BEFARQLIKDAN BOSHLANADI

Тошкент доим мени ўзига чорлаб туради. Талабалгимнинг олтин даври шу ерда ўтган. Йилнинг тўрт фаслида ҳам қайноқ ҳаёт оғушида бўлмиш бу шаҳар шу боисдан юрагимга яқин. Институтни битиргач бу ерда қолиб ишлашни чин дилдан истаганман. Начора, тақдир нон-насибамни ўзим туғилиб ўсган Сурхонга сочган экан...

Баҳор пайти муҳим юмуш билан пойтахтга йўлим тушди. Шаҳар қиёфаси таниб бўлмас даражада ўзгарибди, кўчалар чиннидай, осмон билан бўйлашган бинолар қад кўтарибди. Баҳри-дилим очилиб кетди. Аммо қаергадир шошаётган одамларнинг қиёфасида ҳаётга бепарқликни сезгандай бўлдим.

Борган куним яқин қариндошимнинг уйига келиб жойлашдик. Бирпас нафас ростлагач “модний” кийиниб, кўчага чиқдик. Чехрамда из қолдирган Термиз офтобининг тафтини айтмасам, шаҳарликлардан фарқим йўқ эди, чамамда. Унча гавжум бўлмаган кўчадан ўтаётиб кекса бир онахонга камоли эҳтиром билан салом бердим. У эса негадир менга ғалати қараш қилиб ўтиб кетди. Тушунмади шекилли, дедим ичимда. Шунга ўхшаш ҳолат таксидан тушаётганимизда ҳам содир бўлди: ўрта ёшлардаги йўловчига салом берувдим, у ҳам алик олиш ўрнига ҳайратомуз қиёфада юзимга қараб қўйди. Аҳволимни пайқаган жияним: “Бу ерларда танимаган кишига салом берилмайди, бу сизга Термизмас”, дея менга дашном берган бўлди.

Ҳали-ҳамон эсимда: мактабда ўқиб юрган кезларимда устозимиз: “Мактабга келгунча камида беш кишига салом беринг, эрта тонгдаги саломнинг савоби бўлакча бўлади, ҳар алик сизга ва ота-онангизга раҳмат бўлиб ёғилади”, дердилар. Ҳаётдан олган ўғитларимиз

yoхud shaharda ruscha so‘zlashish kerakmi?

биз ёшлар учун йиллар ўтиб одатга айланган. Мен эса юртимизнинг энг гавжум шаҳрида кишиларга салом бериб, уларнинг алик олмаганлигидан хижолатда эдим, лолу ҳайрон эдим. “Одамийлик, қадимий қадриятлар наҳотки унут бўлиб бораётган бўлса”, деган саволлар миямда қуюндай айланарди.

Чорсу томон йўлда давом этдик. Бояги воқеадан юрагим сиқилганлигини сездирмасликка олсам-да, “тошкентлик” бўлиб кетган жиянимнинг йўлда учраган танишлари билан нуқул рус тилида чулдираши таъбимни янада хира торттирган эди. Мен билан кунлик мулоқотларини ҳисобга олмаганда, тилида ўзбек сўзларига ўрин қолмагани унинг. Она тилидаги оддий сўзларни ҳам русча талаффуз билан гапирарди.

Кўчадан қайтиб келгач охири эътирозимни ифодалашга уриндим. Ҳатто бу ҳолатим жиянимга ҳам ғайриоддий туюлди. “Шунга нима бўпти?” эмиш! Қовоғим очилавермагач, мендай “қолоқ”, “вилоятдан келган” меҳмонни асл вазият билан таништирган бўлди ўзича. Айтишича, шаҳарликларнинг кўпчилиги русча сўзлашишни ёқтирармиш, ўзбекча гапирган маданиятдан орқада қолган ҳисобланар эмиш...

Бошимга гурзи келиб тушгандек бўлди. Хонада ҳаво етишмай, деразани очишга, тоза ҳаводан ўпкамни тўлдириб нафас олишга тутиндим. Гўё шаҳар ҳам мени бегона кўриб, ҳавосини қизғанаётгандек эди. Орадан икки кун ўтгач кетишга чоғландим. Жияним ҳайрон. Нарсаларимни тахлаб, йўлга чиқдим.

Поезд вокзали томон жўнадик. Таксининг олд ўриндиғида ўтириб олган амакининг гап-сўзлари чапани – баланд

овозда сурхонча шевада гурунг бериб борарди. Бегона жойда қадрдонини топиб олган мусофирдай қувондим. Нозиктаъб аёллардек лабларининг учгинаси билан русча аралаштириб бидирлаётган таксичи ҳалиги амакининг ғашини келтирди шекилли, ёнбошига ўгирилиб:

– Ўзбекмисан, жиян? – деди гулдираб.

– Ҳа, дода.

– Бўлмаса йиғиштир ўрисчангни, ўзбекча гапир. Ота-бобамиз ўрис бўмаган.

Улар бир-бирининг қаердан эканини суриштира кетишди ва бир қишлоқдан бўлиб чиқишди. “Вотти-вотти” билан “моя-твоя”ни маромига етказган ҳайдовчи йигит дўлвор йўловчининг тилига мослаб гапира кетганини кўриб, ҳайратим яна зиёда бўлди.

Поездга чиқиб, чиптамда кўрсатилган ўринга бориб жойлашдим. Хайриятки, кўнгил кўзи очиқ, олтинсойлик Анора исмли ўқитувчи аёл билан йўлдош бўлгандим. Йўл узоқ, касбимиз яқин бўлгани учунми, тезда чиқишиб қолдик. Ҳар хил мавзуларда гурунгимиз кўшилиб, уч кундан бери тинчлик бермаётган мавзу ҳақида қуюниб гап очдим. Шунда ҳамроҳим уч йил аввал ҳажга борганини ҳикоя қилиб берди:

– Мадинаи Мунавварада Руқия исмли аёл билан танишиб қолдим. Қарасам, соф ўзбек тилида гапирапти. Кейин суриштириб билдим, аждодлари Наманганнинг Уйчи туманидан экан. Ота-онаси кулоқ қилинган, Афғонистонга бориб қолишган. Сўнг Арабистонга ўтишибди, ҳозир бу ерларда муҳожирликда ҳаёт кечираётган экан. Ўша ёқда оила қуриб, 3 фарзандли ҳам бўлибди. Узоқ йиллардан буён мусофир юртларда

юриб, ўз она тилини унутмаганлигидан унга меҳрим товланиб кетди. Ҳатто болалари мен билан ўзбек тилида гаплашди...

Сухбатдошимнинг бу гапидан сўнг муҳожирликда яшаётган ўша миллатдошимга хурматим қанчалар ортганини тасаввур қилаверинг. Сут билан кирган жондай ширин тилим, ўзини билмаган олифталарга эрмак бўлаётган қадриятларим учун ўша аёлга ҳаёлан таъзимлар қилдим. Ва шунда кўнглимдан бир ғалати гаплар ўтди: тилни, ўзликни қадрлаш учун наҳот мусофир бўлиш керак бўлса? Маданиятли ва замонавий бўлмоқлик йўлида тилдан воз кечиш шарт бўлса?

Ана шундай безовта ўйлар билан тонг чоғи димоғимда Сурхон ҳавосини туйдим. Поезд чинқириб Дарбанд вокзали томон яқинлашаётган эди. Тоғлар орасидан чинакам ўзбекона ҳаёт бош кўтараётгани тасаввуримда. Қадрдон оламни вагон ойналари ортидан кўзатар эканман, ўз уйимда эканимни ҳис этдим. Поезддан тушар чоғим Сурхонимнинг кенг яғринли ўғлонлари ҳеч қанақа мулозаматсиз: “Шошманг, шошманг, опа, ҳозир юкингни буйтиб тушириб қўямиз. Ана энди ўзингни тушинг. Жонли-жонли қимилланг”, деб кўмаклашиб юборганларини кўриб, дилим ёришиб кетди.

Поезд вокзалидан чиқишда бир кекса аёл билан манглайма-манглай келиб қолдик. Юкимни ерга қўйиб: “Ассалому алайкум”, дедим. Онахон ҳам мулозамат билан: “Ваалайкум ассалом, она қизим”, деди. Шу сўзларни қаттиқ соғинган эканман. Онахонни қучоқлаб олгиларим келди!

Сайёра АЛЛАЕВА,
Сурхондарё вилояти.

СНЕИ “БЕКТЕМИР– SPIRT eksperimental zavodi”

aksionerlik jamiyati jamoasi

*O‘zbekiston xalqini kirib kelayotgan 2021 – Yangi yil
bilan qizg‘in tabriklaydi!*

Mehnatkash va izlanuvchan xalqimizning

*bunyodkorlik, yaratuvchanlik ishlarida ulkan yutuqlar,
xonadonlariga tinchlik-osoyishtalik, totuvlik, farzandlari kamoli
yo‘lida kuch-g‘ayrat, ona vatan taraqqiyoti yo‘lida ulkan sa‘y-
harakatlar ila ezgu tilaklar
yor bo‘lishini istab qoladi!*

YANGI YILINGIZ QUTLUG‘ BO‘LSIN!

Хизматлар лицензияланган



O'ZBEKISTONNING TURIZM SALOHİYATI YANADA YUKSALADI

Евгения ДЕХТЯР.
Латвиянинг Ахборот тизимлари менежменти Олий мактаби (ISMA)нинг академик алоқалар бўйича проректори, профессор.

– Дехтяр хоним, Латвиянинг Ахборот тизимлари менежменти Олий мактаби (ISMA)нинг Фарғона шаҳридаги филиали вилоятда очилган илк халқаро олийгоҳ. У нафақат Фарғонада, балки бутун республикамизда замонавий туризм ва ахборот технологиялари соҳасининг халқаро талабларга жавоб бера оладиган етук кадрларини тайёрлайдиган олий ўқув юрти сифатида ўз нуфузига эга.

– ISMAнинг Фарғона шаҳридаги филиалини ташкил этганимизга уч йил бўлди. Худудда туризм ва меҳмонхона хўжалиги соҳаларида амалий ва инновацион тадқиқотлар олиб бориш, халқаро тадбиркорлик асосларини ўргатиш филиал фаолиятининг асосий йўналишлари этиб белгиланган. Филиалда ўқитиш инглиз тилида кундузги шаклда амалга оширилади. Талабалар ахборот технологиялари, туризмда бошқарув ва тадбиркорликни бошқариш йўналишлари бўйича таълим оладилар.

Олийгоҳга 18 нафар латвиялик, 11 нафар маҳаллий педагогларни ҳам жалб қилганмиз. Улардан рус ва инглиз тилларини мукамал билиш, айниқса таълим жараёнига янги ташаббус ва таклифлар билан ёндашиш, мустақил ўқув йўналишларини яратиш талаблари ҳам қўйилган.

– Сизнингча, тарихий ва меъморий ёдгорликларга бой Ўзбекистонда туризмни ривожлантириш истиқболлари қандай?

– Ўзбекистон ҳақиқатан ҳам Марказий Осиёнинг марвариди. Унинг тарихий, маданий бойликлари, ажойиб табиати, ўзига хос анъаналари, ҳатто миллий таомларига бу заминда туризмни ривожлантириш истиқболлари баланд эканлигини кўрсатиб туради. Аммо Ўзбекистоннинг,

Bu – mazkur yo'nalishda ta'lim olayotgan zamonaviy, yangi avlod kadrlariga ham bog'liq



хусусан, Фарғонанинг энг катта хазинаси – унинг одамлари. Оммавий экскурсияларни ўтказиш тажрибаси шуни кўрсатадики, худудда кўплаб сайёҳлик масканлари ташкил этиш мумкин. Энг муҳими, маҳаллий аҳоли қалбига ўз мамлакатини ривожлантириш учун барча имконларни ишга солиш, меҳмонларни очиқ юз билан қабул қилишга тайёр бўлиш истагидир. Шунинг учун биз минтақада туризмни ривожлантиришни барча истиқболларини баҳолаб, филиалимизни Фарғонада очдик. Ишончимиз комилки, ўзбек халқининг бетақрор урф-одатлари, меъморий ёдгорликлари, ўзига хос рангин табиати, барча-барчасини ўзида жам этган туристик лойиҳалар Ўзбекистон туризмнинг Европа бўйлаб тарғиботига хизмат қилади.

Тўғри, Фарғона Ўзбекистоннинг энг машхур дурдона шаҳарлари – Бухоро,

Самарқанддан биров узоқликда жойлашган. Шунинг учун ҳам бу минтақа алоҳида сармоялар ва маркетинг тарғиботига муҳтож. Худуднинг транспорт инфратузилмаси яхши ривожланган. Бироқ туристик маълумот пунктлари йўқлиги ташриф буюрувчиларга ноқулайлик туғдиради. Фарғона водийсининг туризм соҳасидаги малакали менежерларга бўлган эҳтиёжини кўриб, олийгоҳ филиалини ташкил этиш масаласида адашмаганимизни англадик. Унда Тошкент, Самарқанд, Хоразм, Қорақалпоғистондан ҳам ёшлар келиб, таҳсил олишади. Шубҳасиз, Ўзбекистоннинг туризм салоҳиятини ривожлантириш соҳада таълим олаётган янги авлод кадрларига ҳам боғлиқдир.

– Халқаро туризм кузатувчиси, янги туристик дастурлар муаллифи сифатида айтиш-чи, юртимизда ушбу даромадли соҳани янада ривожлантириш учун қандай чоралар кўриш керак?

– Ўзбекистоннинг диққатга сазовор жойларга бой эканлигининг ўзи Европа Иттифоқи мамлакатларидан келувчи сайёҳларнинг катта оқими учун етарли эмас. Худудда учта муҳим нарсаси: янгича инфратузилма, ташқи бозорга чиқиш ва малакали кадрлар тайёрлашга сармоя киритишдан чўчимаслик керак. Инфратузилма замонавий йўллар, ҳаво ва темирйўл коммуникациялари мавжудлигини, кенг имкониятни, шу жумладан, занжирли меҳмонхоналар, СПА хизматлари, ресторанлар барпо этишни, шунингдек, ҳар бир худудда юқори тезликда ишлайдиган интернет алоқа майдони яратишни назарда тутати. Яқин келажакда мамлакат бу борада салмоқли ютуқни қўлга киритишига аминмиз.

– Ўзбек ёшлари, хусусан, уларнинг билим даражаси тўғрисида қандай фикрдасиз? Латвия ёшларидан фарқ қиладими?

– Латия ва ўзбек ёшлари ўртасида сезиларли фарқ борлигини яширмайман. Болтиқбўйи менталитети биров бошқача.

Яъни, биз тўғридан-тўғри ўзимиз нима деб ўйласак, шуни бажарамиз, шунча кам мавҳум мулоим ибораларни ишла-тамиз. Шахсан мен ўзбекистонлик ёшларнинг одоб-ахлоқи, хушмуомалалиги, катталарга бўлган ҳурмати, шарқона тарбиясини кўриб ҳайрон қолганман. Уларнинг янги билимларни ўзлаштиришга иштиёқи ҳам ҳавас қилса арзиғулик. Мен ҳатто, ISMAнинг Фарғона шаҳридаги филиалидаги дарсларим жараёнида 3-4 ой ичида инглиз тилини тўла ўзлаштириб олган ёшларни кўрдим. Аммо айрим талабалар ўзи мустақил тадқиқотларни олиб боришга кўпроқ интилиш керак. Ўзбек ёшларининг шижоати, интилувчанлигига латиш ёшларига хос ташаббускорлик, изланувчанликни уйғунлаштирсак, улар катта ютуқларга эришишлари аниқ.

– Айтганча, биринчи марта келганингизда мамлакатимиз, хусусан, Фарғона сизда қандай таассурот қолдирган эди?

– Нафақат мен, балки ISMA ўқитувчиларининг аксарияти олийгоҳимизнинг Фарғонадаги филиалида навбатма-навбат педагогик фаолият олиб бордик. Ўзим ва латвиялик ҳамкасбларим номидан бемалол айта оламаники, биз Ўзбекистон, Фарғонани яхши кўриб қолдик. Чиройли ландшафтлар, ёрқин куёш, ўзига хос ранг ва энг муҳими, одамларнинг илиқ муносабатлари қалбларимизни ижобий таассуротларга тўлдирди.

– Янги – 2021 йилнинг кириб келишига ҳам оз кунлар қолди. Янги йил байрами муносабати билан тилакларингиз.

– Азиз дўстлар! Ўтаётган йилда бутун дунё оғир синовли кунларни бошдан кечиряпти. Бир неча йил ичида пандемия билан боғлиқ барча муаммолар ўтмишда қолишига аминмиз. Тилагим – ўз имкониятингиздан фойдаланиб, истиқболли касбни эгалланг ва олинган барча билимларни бутун ўзбек халқи манфаати учун ишлатинг. Янги йилда эса аввало, Ер юзида тинчлик-омонлик, давлатлараро дўстлик барқарор бўлишини истаймиз.

Дилнавоз ҚҮЛДОШЕВА
суҳбатлашди.

QIZ HAYOSI – MILLAT SHA'NI

Ҳаё. У бизнинг хатти-ҳаракатларимизда ўз аксини топади. Юриш-туришимиз, сўзлашимиз ва айниқса, кийинишимизда. Ҳар биримиз ижтимоий мавқеимиз, касбимиз ва борар жойимизнинг қандайлигига қараб ўзимизга либос танлаймиз. Албатта, бунда ички тартиб-қоидаларга амал қилиш асосий аҳамият касб этади. Бу қисқача айтганда – маданият.

Ҳаё сўзи тилга олинганда, хаёлимизга аввало, қизлар келади. Уларни гунчага, янги чиққан ой ва ёхуд шу каби энг гўзал, покиза ва нозик яралмишларга ўхшатамиз. Бу бежиз эмас. Қиз бола шундай нозик хилқат. Аммо бу нозиклик елкасида жуда оғир “юк” – ота-она, оила, қариндош-уруғ, маҳалла-қўй ва ниҳоят жамият, миллат ори, номуסי, шаъни бор. Бироқ бугун бу “юк”ни ҳамма қизлар ҳам ҳис қилишга қодир эмасдек...

Бугун қизлар таълим-тарбиясига янада жиддийроқ ёндашишимиз талаб қилинапти. Чунки бугун айрим қизларнинг кийиниш ва муомала маданиятидаги қусурлар, беодобликлар,

бу борада ахлоқ-одоб ва меъёрни унутиб қўяётганликлари, оқибатда миллатимиз кўзгуси бўлмиш ўзбек қизлари маънавий қиёфасига путур етаётганини инкор қилолмаймиз. Қизларимиз ўртасида жуда тор ва калта либосларнинг урф бўлиб бораётгани, уларнинг ҳаёсизликни унутиб, «сэльфи» олишга муккасида кетаётганликлари, бу суратларни ижтимоий тармоқларга жойлаштиришни одат қилиб олганликлари, ўзини кўз-кўз қилишдан ийманмаётганликлари ниҳоятда ачинарли ва ташвишларли ҳол, албатта. Бундай кўнгилсиз ҳолатларнинг оқибатини тасаввур этиш қийин эмас. Турмуш ўртоғи, қайнона-қайнотаси, ўрни келса, ота-онасини менсимаётган, андишани унутаётган келинлар ва уларнинг айби билан бузилиб кетаётган оилалар фожиаси замирида юқоридаги каби иллатлар ётади.

Қизларимизнинг кийиниш маданиятига, ўзини туттишига интернет тармоғи энг катта салбий таъсирини кўрсатаёпти. Машхур инсонлар, санъаткорлар эғнидаги либослар бичимини танлаётган қизлар уларнинг миллийлигимизга нечоғли монанд эканини ўйлаб ҳам кўрмайаптилар. Қолаверса, оила қуриш оstonасидаги қизлар ке-



либлик либосларига маблагни аямай сарфламақдалар-у бироқ рўғзор ишларини уйдалаш, оила қуришга ўзини ҳам маънан, ҳам жисман тайёрлаш, муомала маданиятини ўзлаштириш кераклигини унутиб қўймоқдалар.

Балоғат ёшидаги ўқувчи, талаба йигит-қизларнинг кийинишидаги айрим қусурлар ҳам жиддий муаммо саналади. Кийинишда ҳаёни, андишани унутган бу ёшлар миллат ва жамиятнинг соф маънавий муҳитига соя солмай

қўймайди. Албатта, ёшлар кийиниш маданияти борасида ўз қарашларига эга. Бироқ унутмайликки, замонавийлик маданиятлиликни, одоб-ахлоқ меъёрларини инкор этмаслиги керак. Ёшларга шу ҳақда тушунтиришимиз, ўзимиз ҳам ўрнак бўлишимиз лозим. Чунки кийиниш маданиятини шакллантириш ахлоқий, маънавий тарбиянинг бир қисмидир.

Қиз бола аввало, ахлоқ-одоби, ўзини чиройли, бамаъни тута билиши, хушмуомаласи, маданияти билан гўзал ҳисобланади. Донишмандларнинг «Гўзаллик – оддийликдир» деган ҳикматли сўзлари фикримиз исботи бўла олади. Шундай экан, таълим муассасалари, лозим бўлса, боғча ёшиданоқ қизларимиз тарбияси билан жиддий шуғулланишимиз, ҳеч бир қизни эътиборимиздан четда қолдирмаслигимиз, маҳалла билан ҳам бу борада ҳамкорликда иш ташкил этишимиз лозим. Чунки, Президентимиз Шавкат Мирзиёев таъкидлаганларидек, «Қиз бола – бўлғуси оила бекаси, келажгимиз эгасидир. Бугун биз уларга қандай таълим-тарбия берсак, эртага улар янги авлодимизга шундай тарбия беради».

Дилдора ОРТИҚОВА,
Тошкент шаҳридаги 56-умумий ўрта таълим мактабининг маънавий-маърифий ишлар бўйича директор ўринбосари.



MAYIZ – G'AZABNI PASAYTIRIB, ASABNI TINCHLANTIRADI

Абу Али ибн Сино ўрик ва унинг туршагидан меъда-ичак фаолиятини яхшилашда фойдаланган бўлса, халқ табобатида хафақон ва юрак хасталикларини даволашда ишлатилган.

Ўрикнинг туршак суви жуда фойдалидир. Туршакни юрак санчиғи, нафас йўллари яллиғланиши, кўкйўтал ва иситмаси бор беморлар мунтазам истеъмол қилиши лозим. Ўрик туршагидан қуйидаги шарбатларни тайёрлаб истеъмол қилсангиз, танангизни фойдали ва зарур моддалар билан таъминлайсиз.

Туршакнинг 10-14 донасини идишга солиб, иссиқ сув билан ювиб ташланг. Кейин чинни ёки сирли идишга туршакни кўмиб турадиган қилиб қайноқ сув қуйинг. Сўнгра устини ёпиб, совугунича тиндириб қуйинг. Туршак суви ташналикни қондириш билан бирга юракни бақувват қилади.

Қуруқ меваларда янги узилган меванинг барча фойдали хусусиятлари сақланиб қолади. Шу тариқа, бизда фойдали моддалардан нафақат ёзда, балки йил бўйи ҳам баҳраманд бўлиш имкони бор.

Салбий таъсирлари

Барча қуритилган мевалар қувватга бойлиги боис эҳтиёткорлик билан истеъмол қилиш лозим.

Қуритилган меваларнинг ширинлигини инобатга олиб, қандли диабет касалига чалинган кишиларга тавсия этилмайди.

Қоқилар ошқозон ва ўн икки бармоқ ичак яраси хасталиги кўзгалган беморларга ҳам мумкин эмас.

Шу билан бирга, бу меваларга аллергия ҳолатларида ҳам тавсия этилмайди.

Шуни унутмангки, азиз муштарий, барча неъматлар одамзод саломатлиги учун яратилган, аммо унинг меъеридан ошиғи зарар қилади. Шу сабаб таомлашишда ҳамда уларни даво чораси сифатида қўллашда ҳам, албатта, меъерга амал қилинг.

Доришунослар: Муҳаммад Акмал СОАТОВ, Марзия СОАТОВА.

майизни ейиш билан баробар унинг сувини ичиш ҳам тавсия этилади. Бунинг учун 10 дона майизни пиёлага солиб, устидан ярим стакан қайнатиб илитилган сув қуйинг. Пиёла устини ёпиб, эрталабгача қолдиринг. Оч қоринга майиз сувини ичиб турсангиз гемоглобин миқдори нормаллашади.

- Хасталиқдан кейин қувватни тиклаш учун майиз, ёнғоқ ва асал аралашмаси тавсия этилади. Тенг миқдорда ёнғоқ ва асални гўштқиймалагичдан ўтказиб, таъбга кўра асал билан аралаштириб оласиз. Нонушта вақти 1-2 чой қошиқдан истеъмол қилиб турсангиз кифоя.

- Буйрак касалликларида кунора майиз истеъмол қилиш мақсадга мувофиқдир. Майиз таркибидagi фойдали элементлар пешоб ажралашини фаоллаштиради.

- Мунтазам майиз истеъмол қилиш оғиз бўшлиғи касалликларида ҳам асқотиши мумкин. Майиз суви эса милк шамоллаши, стоматит яралари ҳамда йўталга фойдали.

- Майизли муолажа семизлик, юрак етишмовчилиги, ошқозон ва 12 бармоқли ичак яраси ҳамда қандли диабетда тавсия этилмайди.

Майиз – иссиқ ва ҳўл мижозли бўлиб, ични юмшатовчи хусусиятга эга. Асабни мустаҳкамлайди, қувватсизлик, мадорсизликни бартараф қилади, оғиздаги ҳидни яхшилаб, меъдани кучайтиради. Майиз билан пиёз ширасидан тайёрланган қайнатма томоқ

бўғилишини даволашда ижобий натижа беради, товуш чиқишини равлантиради.

Майизнинг данаги (уруғи) совуқ ва қуруқ мижозлидир. Майиз жигар ва меъданинг маъжозий маънодаги дўстидир. У буйрак, қовуқ ва ичак оғриғида яхши фойда беради, хотирани яхшилади ва баданда тўпланган йирингларни бартараф этишда ҳам ўзининг ижобий таъсирини кўрсатади. Ким табиятини юмшатмоқчи бўлса майиз есин.

Майизнинг уруғи ундек янчилик, уч дирҳамдан илиқ сув билан ичилса, ич кетишига фойдалидир. Аммо, майиздан кўп ейилса, оғизни оғрилатади.

Ўрик туршаги – калийнинг тенгсиз манбаидир; юракка яхши таъсир қилади ва онкологик касалликлар профилактикаси учун ажойиб восита ҳисобланади.

Туршак ўзида А,В,С дармондорилари ва калий, магний, темир, фосфор, глюкоза, фруктоза, сахарозани сақлайди.

Туршак ичакни тозалаб, унинг фаолиятини яхшилади. Анимияда ҳам жуда фойдали саналиб, уни мунтазам истеъмол қилиш билан қонни тозалаш мумкин. Туршак юрак-қон томир хасталикларида самарали фойда беради. Кўриш қобилятини ҳам яхшилади. Шу билан бирга, соч ва тери ҳолатини яхшилади.

Баҳорги мавсумда Ўзбекистон шароитида кўп етиштириладиган ўрик туршагидан доимий равишда истеъмол қилиб туриш зарур. Чунки, ўрик таркибида 27 фоиш қанд, органик кислоталар, пектин, крахмал, ошловчи моддалар, темир, мис, кальций, магний микроэлементлар, калий тузлари, витамин С, каротин бор.



Қиш фаслида кўнгил сархил меваларни тусайди. Шундай дамларда қуритилган мевалар жонимизга оро киради. Энг муҳими, қоқиларнинг фойдаси меваниқидан-да бекиёслиги аллақачон ўз исботини топган.

Майиз – яхшигина антидепрессантдир, шунингдек, қалқонсимон без касалликларида ёрдам беради. Майиз таркибида темир, калий, хлор, магний, фосфор каби моддалар ҳам мавжуд. У уйқуни яхшилади. Таркибидаги В гуруҳига мансуб витаминлар асаб тизимини мустаҳкамлайди. Темир моддаси етишмовчилигида бекиёс самара кўрсатади. Калий ва магний эса юрак-қон томир ва асаб тизими касалликларида яхши натижа беради. Касалликдан сўнг қувватга кириш ва иммунитетни мустаҳкамлашда унга тенг келадигани йўқ.

Узум майизи, айниқса, тоифи навининг майизи меъда, жигар, буйрак ва қовуққа яхши шифо бўлади, кўз нуруни кўпайтиради.

Майиз хусусида Расулulloҳ (с.а.в.) қуйидагиларни марҳамат қиладилар: «Майиз яхши озуқа, у оғиз ҳидини хушбўй қилади, балғамни йўқотади, товушни тиниқ қилади, асабни мустаҳкамлайди, танадаги қаттиқ оғриқларни ҳам кетказади ва ғазабни пасайтиради». Расулulloҳ (с.а.в.) ҳам ўз даврларида майиздан, хурмо ва бошқа мева қоқиларидан шифобахш “набийз” деган шарбатни тайёрлаб истеъмол қилганликлари муқаддас китобларда ёзилган.

- Камқонлик аниқланган бўлса,

Мо'jizakor "FARISHTA"

Ёзнинг ой тўлган кечаси. Ярим тун. Осмон юлдузлар билан безанган. Ҳаво ниҳоятда салқин ва оромбахш. Дераза ҳар доимгидек очиқ, парда қия кўтарилган. Уйқум келмай узоқ-узоқлардаги юлдузларни томоша қилиб ётардим...

...Ҳоҳ ишонинг, ҳоҳ ишонманг, шу вақт деразадан қорпарча учиб кира бошлади. Ёз туни кафтдек келадиган оппоқ қорпарча!? Сесканиб кетдим. Наҳот юлдуз оромим йўқолганини фаҳмлаб, ёнимга тушган бўлса? Кўзларимга ишонмай қайта-қайта очиб-юмамман. Болалигимга бораман-да, ахир, мана аниқ кўриб турибман-ку, юлдуз эмас, оппоқ қорпарча. Мени чўчитгани етмагандай бир он ўтмасдан оқ қорпарча ортидан мовий дўстини етаклаганига нима дейсиз? Уларнинг ортидан яна ранго-ранг қорпарчалар хонага кира oilavajamiyat@mail.ru

бошлашди. Хона қоронғу, лекин улар аниқ, жуда аниқ кўринарди. Йўқ, йўқ, улар юлдузлар эмас, балки тунги камалак нурларидир? Нима эканлигини аниқ англай олмадим-ку лекин улар кўпайган сари менинг ҳайратим ва кўрқувим ошиб борарди. Парчалар чамаси ўн олтида эди. Ҳаммалари кириб бўлишди шекилли, бир қаторга тизилиб тўлқинсимон ҳаракатлана бошлашди. Шу алфоз, учиб келиб, бошим узра сафланишди. Бу сафланиш квадратни эслатарди, гўё. Квадратдаги парчалар рақсга туша бошлади. Тўлқинланиб, ранглар алмашилиб, тун куйига ҳамоҳанг рақс бошланди. Ҳамма парча ўйнарди. Фақат квадрат марказидаги, дўстларига бошчилик қилиб кирган оппоқ қорпарча қилт этмай турарди.

Ишонасизми?! Ўша оқ парча оппоқ капалакка айланди. Йўқ, оқ эмас, унинг қанотлари ниҳоятда ҳарир эди. Қанотларидан илоҳий бир нур таралаётгандек, гўё. У шу қадар гўзал эди-ки, бундай гўзалликни мен таърифлашим, сиз тасаввур қилишингиз мушкул...

Менга қараб тургандек, гўё. Хаёлим фақат шу мўъжизавий ҳодиса билан банд. Бор онг-у шуурим билан сингиб кетгандекман. Ҳеч қачон, ҳатто ҳозиргача хаёлим бу қадар жамланмаган. Тун сукунатида фақат менинг юрагимнинг шошиб уриши-ю, тез-тез нафас олишим эшитиларди. Тепага қараб ётганим учунми, кўзим толиқди. Бир сонияга атига бир онга кўзимни юмдим. ...Очдим. Қимир этмай турган парчадан бўлак бошқалари йўқ. Бир лаҳзада ғойиб бўлишибди.

Ишонасизми?! Ўша оқ парча оппоқ капалакка айланди. Йўқ, оқ эмас, унинг қанотлари ниҳоятда ҳарир эди. Қанотларидан илоҳий бир нур таралаётгандек, гўё. У шу қадар гўзал эди-ки, бундай гўзалликни мен таърифлашим,

сиз тасаввур қилишингиз мушкул...

У мен томон сония сайин яқинлашарди. Учиб, йўқ, йўқ, ҳавода сузиб келарди, гўё. Яқинлашган сайин кўзим қамашар, юрагимда қандайдир ҳадик, тўғрироғи кўрқув бор эди. Кўрпамнинг нақ энг четига қўнди. Мўйловлари узунлигини, оёқларининг ботишини ҳис қилдим. Кўрқдим, жуда кўрқдим. Кўрпамнинг ичига кириб кетдимов. Кейин... Кейин нима бўлди дейсизми?

Тонггарда онажоним уйғотдилар. Ҳар куни, ҳар хил тушлар кўриб ухлаганимни билмасдим. Шу кеча жуда тиниқиб ухлабман. Шу тундан сўнг, уйқум келмаган кезлари капалакни кута бошлардим. Лекин у шу тундан сўнг бир марта ҳам келмади. Ўша куни тушда эмас, ўнгда кўрганим аниқ. Яна ким билади, балки хаёлимдадур. У капалак нима экан-а? Осмондан ташриф буюрган юлдузми? Тун камалагининг нуруми? Сизларга шу воқеани ҳикоя қилар эканман, хаёлимга бир фикр келди. Менимча, ўша кунги мўъжизавий ва илоҳий капалак менга ширин тушлар ҳадя этувчи “Фаришта” бўлса керак. Ҳа, фаришта!

Даврон ЭРГАШЕВ.



BAYRAM HARIDINI QILDINGIZMI?

Янги йил арафаси, бозорлар жуда гавжум. Одамлар ҳар кун ишдан қайтишда байрам дастурхони учун дея бирор нима кўтариб кетишни одат қилишган. Кўпчиликнинг фикри шундай: “Байрам яқинлашаверса нархлар кўтарилиб кетади”... Майли-да муҳими байрамона дастурхонда камчилик бўлмаслиги лозим. Ҳамма нарса олиниси шарт! Ҳеч нарса қолиб кетмасин!

Пойтахтимизнинг энг гавжум бозорларида бўлиб, янги йил ярмаркаларида савдо қандай кетаётганлиги ва одамлар маҳсулотлар нархларидан қониқиш ҳосил қилаётганлигига қизиқдик.

Биринчи манзилимиз Фарҳод деҳқон бозори бўлди. Бозор ҳудуди жуда кенг, аммо қўли-қўлига тегмай савдо қилаётганлар бозор ташқарисида ўтирган деҳқонлар бўлса керак. Чунки одамлар кўпроқ ярмаркалардан савдо қилишмоқда. Сотувчи ҳам, оловчи ҳам кўп. “Мандаринсиз янги йил ўтадим”, дея, кўп-кўп мандарин олаётган бир харидорни суҳбатга тортдик:

– Янги йил дастурхони рўйхатида мандарин биринчи ўринда туради, – дейди Санобар ая. – Набираларим мандарин хидини “Янги йилнинг хиди” дейишади (қолиб). Шу сабабли ҳам мандаринни кўпроқ олишга ҳаракат қиламан. Шу вақтгача мандаринлар нархи жуда баланд эди, килоси эллик мингдан ошиқ бўлган пайтларда ололмай ҳам қолгандим. Аммо ҳозир чўнтак кўтарадиган нархда. Мана 12 минг сўмдан туркияни мандаринни олаётган (одатда туркияни яхшигина қиммат бўларди). Бозор ичида бу нархда тополмайсиз. Аҳолига қулайлик қилиб мана шундай арзон ярмаркалар ташкиллаштирилганларга раҳмат.

Дарҳақиқат, мандарин меваси қиш келар келмас бозор расталаридан ўрин оладиган харидоргир мева. Бу мевани



севиб истеъмол қилмайдиган одамнинг ўзи бўлмас керак.

– Мандарин асосан Покистон ва Туркиядан келтирилади, – дейди ўзини Мўмин деб таништирган мандарин сотувчиси. Тўғри, ноябрь ойи бошларида мандарин меваси эллик минг ҳам бўлди. Биз ҳам маҳсулотнинг кириб келишига қараб нарх қўямиз ахир. Туркия мандаринлари ширин бўлганлиги учун ҳам бошқаларидан қимматроқ. Ҳозир сотаётган мандаринларим ҳам Туркияники, мазаси оғизда қолади. Кўриниши ҳам жуда яхши. 15 минг сўмдан сотаямиз, одамлар еб кўриб кўпроқ олиш ниятида яна қайтиб келишапти.

Мева байрам дастурхонимизнинг асосий бўлаги, шу сабаб ҳам олинадиган асосий маҳсулотлардан бири. Биз Фарҳод деҳқон бозори ярмаркаси ва бозор расталаридаги мевалар нархларини ўрганиб чиқдик. Арзонлаштирилган ярмаркаларда “Asters” туркия мандарини 13 минг, апельсин 22 минг, семеренка олма 5 минг, киви 22, банан 17 минг, узум 15 минг. Бозор ичидаги “Yilmaz augar” апельсин 39 минг, банан 18 минг,

“Sahar” Эрон кивиси 25 минг, “Mersedes” узум 22 минг, тойпи узум 12 минг, нок 20 минг, анор 18 минг. Кўриб турганингиздек бозор ичидаги ва ярмарка нархлари икки-уч минг сўмга фарқ қилади.

Кейинги манзилимиз “Чилонзор деҳқон бозори” бўлди. У ер ҳам доимидек гавжум бозорлардан. Дарвозадан кирар экансиз бозорни бошига қадар узун қилиб терилган арзонлаштирилган савдо ярмарка расталари жойлашган. Туш вақти бўлишига қарамай савдо авжидида. Покистоннинг “Bright” номли мандарини 11 минг сўмдан, банан 20 минг, анор 20 минг, узум 18 минг, олмалар 7-8 мингдан сотилаёпти. Бозорнинг ичида мевалар нархи анчагина қиммат. Айтганча, помидор 7-8 мингдан ошиқ эмас, бодиринг сал қимматроқ 18-20 минг экан.

– Мен янги йил дастурхонида салатлар муҳим ўринга эга деб ўйлайман, – дейди Дилбар исмли уй бекаси. – Шунинг учун ҳам салат маҳсулотларини олишга эътиборлироқ бўламан. “Оливе” салатига консерваланган нўхат олдим. “Bonduella” нўхати 11 минг сўм экан,

“Naturella” номли эса 9 минг, “Heinz” консервалари 10 минг бўлса, “Globus” номлиги 7 мингдан сотилаёпти. Салатларнинг асосий маҳсулоти майонезнинг ҳам яхшисидан танлаш лозим. Ярмаркаларда “Оливьез” номли майонезнинг бир литри 17 минг, лекин мен одатда “Махеев” майонезидан ишлатаман. Бу маёнезнинг 800 мл 19 минг, 380 мл 13 минг сўмдан сотилмоқда. Салатларимиз сифатли чиқиши учун яхши ва ҳамёнбоп маҳсулот танлай олишимиз лозим.

Икки деҳқон бозорда ҳам ананас мевасига кўзимиз тушмади. Қизиқ, нимага бу мевадан дарак йўқ экан. Чилонзор деҳқон бозори яқинидаги Корзинка савдо марказига ананас мевасини олиш мақсадига кириб, у ердаги нархлар билан ҳам танишиб чиқдик. Бу ерда икки хил ананасга кўзимиз тушди, бири “Slam” номли бўлиб нархи 44 минг сўм бўлса, яна бири “Barbaga's” номлисининг нархи олтимиш минг сўм экан. Гап бу ёқда эканда, демак ананасларнинг ортимизига кириб келиши қимматга тушаёпти ва бозордаги савдогарлар уни сотишни маъқул кўришмаётган экан. Ахир ҳамма ҳам фалон сўмга ананас ололмайдику. Савдо дўконда консерваланган ананаслар ҳам бўлиб нархи 19 мингдан экан.

Ўрдошларимиз орасида кўпроқ Korzinka ёки Мақо каби йирик савдо дўконларидан харид қиладиганлар ҳам кўп учрайди. Бозорларда ташкиллаштирилган, арзонлаштирилган маҳсулотлар, бу ерда ҳам чегирма нархларда сотилади-да. Кейинги манзилимиз “Олой деҳқон бозори” бўлди. Бу бозорга келган харидорларнинг деярли ҳаммаси бозор ичидаги корзинка супермаркетига ҳам кириб ўтишади.

Дўкон ва бозорларда бизга учраган ота-оналарнинг аксарияти янги йил дастурхони учун харид билан банд. Ахир бу кун болажонларни тансиқ таомлару, ширинликлар билан сийламай бўладими? Нима бўлганда ҳам барчамизни бир дастурхон атрофида жамул-жам қиладиган байрамлар кўпаяверсин.

YANGI YIL SHUKUNI

Юртимизда байрам шукухи... Рангли чироқлар билан безалган кўча-ю, хиёбонлар. Арча ва қорбоболарга тўлиб кетган дўконлар-у, бинолар. Пойтахтимизда ўрнатилган арчалардан бири бу Юнусобод тумани Сайлгоҳ майдонида бўлиб, унинг бўйи 36 метр. Яна бир арча Tashkent City майдонида, “Наврўз” истироҳат боғида ҳам ўзига хос арча ясадиб байрамлар ташкиллаштирилмоқда. Буларнинг ҳаммаси юртошларимизга ўзгача байрам кайфияти-ю, қувончини бахш этаётгани шубҳасиз. Ўша қувонч ва ҳаяжонларни жонли гувоҳи бўлиш мақсадига Сайлгоҳ майдонида бўлиб репортаж тайёрладик.

Ҳаво яхшигина совуқ бўлишига қарамай майдонда одам гавжум. Катта арча атрофида суратга тушиш учун турган қорбобо-ю, қорқизлар(бу сафар нимагадир уларнинг сони кам)дан совуқ

ўтгани билиниб турарди. Майдонда фақатгина арча эмас, бошқа кўргазмали нарсалар ҳам кўп эди. Масалан, кичик арча, совға, арча ўйинчоқ кўринишидаги кўргазмали чироқлар “кел, мен билан расмга туш” дея чорлаётгандек нур таратиб ёниб турибди. Одамларнинг юз-кўзларидан улардаги байрамона кайфиятни ҳис қилиш мумкин.

– Мана бугун арчага оилам билан келдим, – дейди Саидмурод ака. – Фарзандларимиз хурсандчилиги бизнинг хурсандчилигимиздир. Бу ер ўзининг рангли чироқлари-ю, байрамона мусиқалари, кулиб турган одамлар билан кайфиятимизга кайфият қўшаёпти. 2020-йил ҳаммамиз учун ҳам синовли йил бўлди. Шу сабаб 2021-йил кириб келишини интизор кутмоқдамиз. Байрам кайфияти ҳар йилгидан ўзгача, келаётган янги йил ҳаммамиз учун яхшиликлар олиб келишини тилаб қоламан.

Саидмурод ака ва унинг оила аъзоларининг юз-кўзларида байрам кайфияти жуда бошқача, унинг фарзандлари, ҳатто рафиқаси ҳам байрам маскаларида. Улардан илҳомланиб бўлса керак бошқалар ҳам чироқлар билан ясалган байрам маскалари (бозорлардаги нархлардан қимматроқ бўлишига қарамай) сотиб олишяпти. Байрам байрамдек бўлсин дейишаётгандир-да.

Бухоролик Собира ая ҳам фарзандлари ва набиралари билан келган. Уларни ҳам бир суҳбатини олайлик дедик:

– Янги йил бу мана шу кичкинтой болаларнинг байрами, – дейди Собира ая. – Биз бу байрамни улар учунгина нишонлаймиз. Бухородан байрамни набираларим билан ўтказаман, уларнинг хурсандчилигини кўриб қувонаман деб келдим. Пойтахтдаги байрам барибир бошқача бўлади-да. Мана чиройли сахна қурилган, қизиқарли томошалар бўляпти. Набираларим жуда хурсанд.

Ҳа, Собира ая айтганларидек бу байрам болажонларники. Уларнинг хурсандчилиги учун. Шу сабабли ҳам бу

ерга ҳамма фарзандлари билан келган. Коляскада ётган етти ойлик боладан, мактабда ўқийдиган, ҳаттоки болаликни тарк этишни истамаётган талабалар ҳам шу ерда.

Қорбобого ёд олган шеърини айтиб бериб совға олган жажжи Муроджонни ҳам байрам билан табриклаб қўйгимиз келди.

– Янги йилни жуда яхши кўраман. Чунки ҳамма жой чиройли бўлади, арчалар, совғалар, қорбобо ҳаммасини яхши кўраман. Қорбобо менга кўп совға беришини хоҳлайман, – дейди кичкинтой Муроджон кучоғини катта очиб. – Боғчада арча байрам бўлди, ўртоқларим билан қорбобого шеър ёдладик. Сизга ҳам айтиб берайми...

Муроджоннинг шеъри “Янги йилингиз муборак бўлсин!” деган сўзлар билан яқунланди.

Дарҳақиқат, келаётган Янги йил барчамизга яхшиликлар, янгиликлар олиб келсин. 2021-йил ҳаётимиз тинч ва осуда ўтсин. Осмонимиз мусаффо бўлсин.

Саҳифани ВАСИЛА тайёрлади.

Oila va jamiyat
Ижтимоий-сиёсий,
маънавий-маърифий
газета

Обуна индекси – 176

МУАССИСЛАР:

Ўзбекистон Республикаси Маҳалла ва оилани қўллаб-қувватлаш вазирлиги, “Болалар ва оилаларни қўллаб-қувватлаш” ассоциацияси (Болалар жамғармаси) ва “Соғлом авлод учун” халқаро хайрия фонди

Бош муҳаррир: Акбар ҚАРШИЕВ

МАНЗИЛИМИЗ:

Тошкент – 100000.
Амир Темури кўчаси
1-тор кўча, 2-уй.

Қабулхона: (факс) 233-28-20,
Котибият: 233-04-35, 234-76-08

E-mail: oilavajamiyat@mail.ru

Web-site: oila-va-jamiyat.uz

Газета 2007 йил 11 январда Ўзбекистон Матбуот ва ахборот агентлигида 0169 рақами билан рўйхатга олинган. Буюртма Г – 1236. Формати А-3, ҳажми 3 табоқ. Адади – 943. Баҳоסי келишилган нархда.

Босишга топшириш вақти – 15:00 Топширилди – 15:00

Навбатчи: Б. Исмоилов
Мусахҳиҳ: С. Сайдалимов
Саҳифаловчи: А. Маликов

ISSN 2010-7609



Газета таҳририят компьютер марказида терилди ва саҳифаланди.

1 2 3 4 5